



COVID-19 Daily Update - March 17, 2020

COVID-19 Ubluq Tamaat Naunaiqhitiit - QIQAIJALIRVIA 17

(March 17, 2020)

Tamainnut naunaiqhitiit

- Aanniarunikhimaittut taffuminga Nunavunmi.
- Hivajadjavutit munaqhitkunnut munaqhiliaqtinnatit, irinautaungitpat naunairlugu. Naunaijaqtauniaqtutit apiqhuqtaulutit hivajautikkut. Iqalungni, amirakhuutaungittunut, aadjikkutarijaa- hivajadjavatit talvungautinnatit Qikiqtani Aanniarviannut.
- Nunavut Kavamanga ikajuqtit aullahimmaarniaqtut kihimi kajuumitqijautiniarunaqhijut ikiglingmata havaktitit.
- Havaqatigiikhimmaaqtagut katiqhipluta atuqtaujukhanik Nunavummiut ajuqhangittanginni maniliurnaittumik taffumanga aanniarjuarunmit.
- Inungmiuttailinahuarluhi uaqattarlugillu algakkit ikajuutauqpiarniaqtuq hiamittailinahuahutik aanniarut Qalagjuarniq COVID-19, inikhailliuqtunillu igluqpangni aitkaluaqhunilu igluqpani.
- Hamna ihumalungnaqpiaktuq, ajuqhautaujuq inungnut tamainun, tamapta hiamittailinahuatakhagut Qalagjuarniq COVID-19. Aihimajukhaujugut hanguhimaittumik havaguirairupta, aanniangangitkaluaqtitlutit.
- Inungnik ikajurnahuagqivut munaqhitkut taaktillu havaktiujut imaalu inungnut tamainnut havaktunut angmanahuahugit aulapkaidjutikhat - Quana!
- Pittiarniq inungnut utaqqinirmiklu anginiqatquq quajagijaujukharlu, utaqqinguhukhimaittumik amiogaitqiyamik hivuanit atuqtauvaktunik.

Aanniaqtailinikkut

- Aanniaqtailinikkut havaqatigiplugit munaqhitkut havagviat piliuqtut hivunirmi upalungaijautikhaliuqtut ikajuutikhanik amigaigjuumivallianiarmata havaakhangit munaqhiqarviit.
- Amigakhuutaungittut aanniangajut takujaujumajut naunaiqtauvangniaqtut ihivriuaqtauvikhanik qakugu. Qilamik takujauvikhanik irinahuktut munaqhinit ikajuqtikhat hailiniaqtun 24 ikarnirni ubluq tamaat, saivanni ubluni havainirmi.
- Iqalungni, amirakhuutaungittunut hivajadjavatit talvungautinnatit Qikiqtani Aanniarviannut.

- Tamainnut nunallaani, famirakhuutaungittunut hivajadjavatit talvungautinnatit munaqhitkunnut. Naunaijaqtauniaqtutit apiqhuqtaulutit hivajautikkut.
- Taaktit huli nunallaanungauvangniaqtut.
- Ihumaliqinikkut ikajuqtikhat hailijut huli.

Havaktuliqijitkut

- GN-kut havaktingit pidjutiqaqtut iliharviit nutaqqiqiviillu umikhimaniannit pingahunni havainirni akiliqtauniaqtut havaguiqhimallautikhanik (aallanikluuniit atuqtakhanik) ukuat GN-kunni havaktingit
- 14-ni ubluni Inmikkut-Avalingarnirmut Havaguiqhimallautikhanik tamainnut GN-kut havaktingit mihigimalirumik fluukhimajutut mihingnaqtunik uqaudjauhimajut inmikkut-avalingaaqtukhaujut aipqalutik aihimalutik
- Gkutnutqaqtillakhimajait aanniaqtunut munaqhinit naunaitkunmik pijakhaittut GN-kuni havaktingit
- Tamaita inungnut katimalutik ajuiqhaqatigiikvikhait taimaaqtitaujut imaaluuniit kinguvaktitaujut
- Tamaita havaamikkut aullarvikhait tingmitikkut taimaaqtitaujut

Inulirijikkut

- Tukhiutigijavut tamaita Ikajuuhiakpaktut, Havakhanun Pivallialiurnikkut imaalu Ilagiiktunut Inuuhiringnaqtumik ikajuqhiqtauvaktunut hivajaqutaujut naunaiqhilitut takujauvikhamingnik, havagvianungauhimaittumik.
- Inuit tamarmik hivajaqujaujut naunaiqhijamingni takujauvikhamingnik ubluqhiutikkut ubluaniklu ikiglinahuarutikhanik inuugiakpallangittumik uttaqqiviinni.
- Havaktugut naunaiqhijumapluta hunat ihuatqijaujakhainnik iliaqtunut hivuraani, uqaudjidjuhianik CPHO-tkunit.

Pivalliajuliqijikkut Ingilrajuliqijikkullu

- Tingmidjutikhat ikiglijuummiqtut Nunavunmi. Tingmitit qanurittut imaalu ukuat Nunavut Kavamanga havaqatigiittiaqtut hunatarviit tamajaqariangita angmaumajanittalu niqikhat aallallu atuiqtaujukhat aullajanginni.
- GN-kut havaqatigijait ujarakhiuqtit munariplugit aullapkaidjutait. Tadj,GN-kut angiqtait maliqajakhatik imaalu ilitariplugit aulapkaijit ihumaliuriaqatut aulapkaidjutikhamingnik pijariaqatunik.

ᐱᓐᓇᓐᓇᓐ ᐱᓐᓇᓐᓇᓐ ᐱᓐᓇᓐᓇᓐ ᐱᓐᓇᓐᓇᓐ ᐱᓐᓇᓐᓇᓐ ᐱᓐᓇᓐᓇᓐ ᐱᓐᓇᓐᓇᓐ, www.gov.nu.ca.

News releases are available in Inuktitut, English, Inuinnaqtun and French on www.gov.nu.ca.

Tuhaqtaghat ittut Inuktitut, Qablunaatitut, Inuinnaqtun Uiviititullu talvani www.gov.nu.ca.

Les communiqués de presse sont disponibles en inuktitut, en anglais, en inuinnaqtun et en français au www.gov.nu.ca.